

ունիմք առնել . Գատաւորն ամբաստանել կամէր զՀայս իբրև զսպերախտ . զի հրաման տայր երթալ ըստ առաջնոյն 'ի Ս . Աստուածածին , յորմէ արգելեալ էին Յոյնք հրովարտակաւ , ոչ յիշելով զՋնջումն նորին և զնորն . և սպառնայր գրել 'ի Գուռն ամբաստան լինելով իբրև զանհնազանդից հրամանի Արքային , և կարի ընդդիմանալ նոցին՝ նախատել և անարգել զնոսա , և ոչ տալ թոյլ մտանել 'ի Սուրբ Աստուածածին և 'ի Ս . Ծնունդ , թէ եւ Արքայ հրովարտակաւ հրամայեցէ . ընդ այս ցատուցեալ Նուրի էֆէնտեայ կշտամբէր զնա՝ զի լաւ է ասէր տալ Իլամդ մեզ քան Հայոց , զի մեկնեցուք աստի , զի ոչ երեւի 'ի քեզ հնազանդութիւն Արքայի , այլ կամակորութիւն և պաշտպանութիւն , զմին բարձրացուցանել և զմիւսն առնել կսխան օտից . և 'ի սաստկանալ վիճման և խռովութեան 'ի մէջ երկոցունց՝ ցրուեցաւ ժողովն : Հայք աղաչէին զԳատաւորն և միջնորդ կացուցանէին զՍօճաքեանն և զԲաղաքապետն , այլ նա տատանեալ մտօք վարանէր 'ի խորհուրդս իւր . խոստմունք Յունաց , պահանջ Հայոց և գործակալաց , և երկիւղ Թագաւորին ցնորեալ էին զմիտս նորա : Հայք թախանձէին տալ զԱյրն Ծննդեան և զբանալի հիւսիսային դրան , որոյ հետեւիլ ունէր ճանապարհ երթելեկելոյ , զի ոչ էր ընդդէմ օրինաց . և եկեղեցին այն չէր սեփհական Յունաց , այլ գեղջ . եւ նոքա առեալ էին 'ի ձեռաց Լատինաց : Այլ խոժոռեալ նորա մերժէր զբանս Հայոց՝ հայեցեալ 'ի տհաճութիւնս Յունաց , զի յանձն արարին ասէ օրինաց իմոց , որոյ վասն անկարելի է ինձ բաժանորդ առնել զձեզ Բեթղէհէմի և Ս . Աստուածածնի , յայս բան ծիծաղէին այլազգիք ամենեքեան . հանդերձապետ Գատաւորին Եամանտի քաջալերէր զնա 'ի կողմանէ Յունաց , չհակիլ 'ի կողմն Հայոց , եւ գործակալքն նկատէին 'ի հեռուստ : Վերստին առաքեցին առ նա Հայք զարս հաւատարիմս և յորդորէին կատարել զգործն , գուցէ եկեալ Ոստիկան Կուսակալին 'ի հարկէ կատարեցէ , եւ ինքն վիրաւորեցի . այլ նա յառաջ բերէր զգիր Կուսակալին , զգանկատանս իւր զՈստիկանէն , թէ առաջի բազմութեան նախատեսաց զիս , և զսաստ Փաշային առ Ոստիկանն , եւ զչդառնալ նորա անդրէն յերուսաղէմ , զի ոչ